



ՀԱՅԱՍՏԱՆԻ ՀԱՆՐԱՊԵՏՈՒԹՅՈՒՆ

ՎՃՌԱԲԵԿ ԴԱՏԱՐԱՆ

Ո Ր Ո Շ ՈՒ Մ

ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ ԱՆՈՒՆԻՑ

Հայաստանի Հանրապետության
հակակոռուպցիոն դատարան,
նախագահող դատավոր՝ Գ.Հովհաննիսյան

Հայաստանի Հանրապետության
վերաքննիչ հակակոռուպցիոն դատարան,
նախագահող դատավոր՝ Կ.Ամիրյան
դատավորներ՝ Ա.Նահապետյան
Ա.Հովհաննիսյան

2025 թվականի մարտի 24-ին

քաղաք Երևանում

ՀՀ Վճռաբեկ դատարանի հակակոռուպցիոն պալատի կոռուպցիոն
հանցագործությունների քննության դատական կազմը (այսուհետ՝ Վճռաբեկ
դատարան),

նախագահությամբ՝
մասնակցությամբ դատավորներ՝

Դ.ՎԵՔԻԼՅԱՆԻ
Ե.ԴԱՆԻԵԼՅԱՆԻ
Ա.ԿՐԿՅԱՇԱՐՅԱՆԻ
Ռ.ՄԽԻԹԱՐՅԱՆԻ
Ս.ԶԻՉՈՅԱՆԻ

գրավոր ընթացակարգով քննության առնելով ՀՀ վերաքննիչ հակակոռուպցիոն
դատարանի (այսուհետ՝ նաև Վերաքննիչ դատարան) 2024 թվականի ապրիլի 16-ի
որոշման դեմ ՀՀ գլխավոր դատախազի տեղակալ Լ.Գրիգորյանի վճռաբեկ բողոքը,

Պ Ա Ր Զ Ե Ց

Վարույթի դատավարական նախապատմությունը.

1. ՀՀ Գեղարքունիքի մարզի առաջին ատյանի ընդհանուր իրավասության դատարանի 2023 թվականի մարտի 6-ի որոշմամբ թիվ ԳԴ3/0003/01/22 քրեական գործն ըստ մեղադրանքի՝ Արտակ Ռոբերտի Հարությունյանի՝ 2003 թվականի ապրիլի 18-ին ընդունված ՀՀ քրեական օրենսգրքի (այսուհետ նաև՝ ՀՀ նախկին քրեական օրենսգիրք) 179-րդ հոդվածի 2-րդ մասի 1-ին և 3-րդ կետերով, 179-րդ հոդվածի 3-րդ մասի 1-ին կետով ու 314-րդ հոդվածի 1-ին մասով (երկու դրվագ), Մեսրոպ Մերուժանի Հակոբյանի՝ ՀՀ նախկին քրեական օրենսգրքի 38-179-րդ հոդվածի 3-րդ մասի 1-ին կետով, փոխանցվել է ՀՀ հակակոռուպցիոն դատարան, որին շնորհվել է թիվ ՀԿԴ2/0010/01/23 համարը:

ՀՀ հակակոռուպցիոն դատարանի (այսուհետ նաև՝ Առաջին ատյանի դատարան)՝ 2023 թվականի դեկտեմբերի 21-ի որոշմամբ պաշտպաններ Վ.Համբարձումյանի և Լ.Հայրապետյանի միջնորդությունները բավարարվել են՝ ամբաստանյալներ Ա.Հարությունյանին և Մ.Հակոբյանին առաջադրված մեղադրանքներով քրեական հետապնդումները դադարեցվել են, իսկ քրեական գործի վարույթը կարճվել՝ քրեական պատասխանատվության ենթարկելու վաղեմության ժամկետներն անցած լինելու հիմքով:

2. Գեղարքունիքի մարզի դատախազի տեղակալ Ա.Հովհաննիսյանի վերաքննիչ բողոքի քննության արդյունքում Վերաքննիչ դատարանը 2024 թվականի ապրիլի 16-ին որոշում է կայացրել Առաջին ատյանի դատարանի՝ 2023 թվականի դեկտեմբերի 21-ի որոշումն անփոփոխ թողնելու մասին:

3. Վերաքննիչ դատարանի վերոնշյալ որոշման դեմ ՀՀ գլխավոր դատախազի տեղակալ Լ.Գրիգորյանը բերել է վճռաբեկ բողոք, որը Վճռաբեկ դատարանի՝ 2024 թվականի հունիսի 12-ի որոշմամբ ընդունվել է վարույթ, և սահմանվել է դատական վարույթի իրականացման գրավոր ընթացակարգ:

Վճռաբեկ բողոքի հիմքերը, դրանք հիմնավորող փաստարկները և պահանջը.

Վճռաբեկ բողոքը քննվում է հետևյալ հիմքերի սահմաններում՝ ներքոհիշյալ փաստարկներով.

4. Բողոքաբերը գտել է, որ Վերաքննիչ դատարանը, անփոփոխ թողնելով Առաջին ատյանի դատարանի՝ ամբաստանյալ Ա.Հարությունյանի նկատմամբ 2021 թվականի մայիսի 5-ին ընդունված ՀՀ քրեական օրենսգրքի (այսուհետ նաև՝ ՀՀ գործող քրեական օրենսգիրք) 256-րդ հոդվածի 2-րդ մասի 2-րդ և 3-րդ կետերով ու 445-րդ հոդվածի 1-ին մասով (երկու դրվագ) և ամբաստանյալ Մ.Հակոբյանի նկատմամբ ՀՀ գործող քրեական օրենսգրքի 46-256-րդ հոդվածի 2-րդ մասի 2-րդ և 3-րդ կետերով քրեական հետապնդումը վաղեմության ժամկետներն անցած լինելու պատճառաբանությամբ դադարեցնելու մասին որոշումը, ճիշտ չի կիրառել նյութական օրենքը, այն է՝ կիրառել է ՀՀ գործող քրեական օրենսգրքի 9-րդ հոդվածի 2-րդ և 6-րդ մասերը, որոնք ենթակա չէին կիրառման:

Մասնավորապես, բողոքաբերը նշել է, որ ստորադաս դատարանները մի դեպքում հետադարձ ուժ են տվել ՀՀ գործող քրեական օրենսգրքի 3-րդ հոդվածի 17-րդ կետով սահմանված հափշտակության, պատճառված գույքային վնասի կամ հանցավոր ճանապարհով ձեռք բերված կամ ստացված գույքի կամ օգուտի չափերը նախատեսող օրենքին, իսկ մյուս դեպքում, ըստ էության, կիրառել են ՀՀ նախկին քրեական օրենսգրքի 75-րդ հոդվածի 1-ին մասի 2-րդ կետը, որը սահմանում է միջին ծանրության հանցագործության համար քրեական պատասխանատվության վաղեմության ժամկետները (քրեաիրավական հետևանքներ), այն դեպքում, երբ մեղադրյալների կողմից կատարված արարքները երբևէ չեն համապատասխանել և չէին կարող համապատասխանել ՀՀ նախկին քրեական օրենսգրքով նախատեսված միջին ծանրության հանցագործությանը:

Բողոքի հեղինակը նաև փաստել է, որ վիճարկվող դատական ակտերում ստորադաս դատարանները մի կողմից հաստատված են համարել Ա.Հարությունյանին և Մ.Հակոբյանին մեղսագրված համապատասխանաբար 3.776.695 և 3.211.408 ՀՀ դրամի հափշտակության կատարումը, մյուս կողմից նշել են,

որ հիշյալ հանցագործությունների համար նախատեսված քրեական պատասխանատվության վաղեմության ժամկետներն անցել են:

Ի լրումն վերոգրյալի՝ բողոքաբերը նշել է, որ Առաջին ատյանի դատարանը, դադարեցնելով ամբաստանյալներ Ա.Հարությունյանի և Մ.Հակոբյանի նկատմամբ հարուցված հանրային քրեական հետապնդումները, կիրառելի է համարել ՀՀ նախկին քրեական օրենսգրքի 75-րդ հոդվածի կարգավորումները, այսինքն՝ առաջնորդվել է հիշյալ օրենսգրքով նախատեսված միջին ծանրության հանցանքի համար սահմանված վաղեմության ժամկետների վերաբերյալ կանոնով, մինչդեռ հաշվի առնելով ՀՀ գործող քրեական օրենսգրքին հետադարձ ուժ տալու հանգամանքը՝ պետք է կիրառեր ՀՀ գործող քրեական օրենսգրքի 83-րդ հոդվածով միջին ծանրության հանցագործությունների համար սահմանված վաղեմության ժամկետը, որը տասը տարի է:

5. Վերոշարադրյալի հիման վրա բողոքի հեղինակը խնդրել է ամբողջությամբ բեկանել Վերաքննիչ դատարանի որոշումը՝ վարույթը փոխանցելով ստորադաս դատարան նոր քննության կամ կայացնելով դրան փոխարինող դատական ակտ:

Վճռաբեկ բողոքի քննության համար էական նշանակություն ունեցող փաստական հանգամանքները.

6. Ա.Հարությունյանը որպես մեղադրյալ է ներգրավվել, և նրան մեղադրանք է առաջադրվել ՀՀ նախկին քրեական օրենսգրքի 179-րդ հոդվածի 2-րդ մասի 1-ին և 3-րդ կետերով, 179-րդ հոդվածի 3-րդ մասի 1-ին կետով և 314-րդ հոդվածի 1-ին մասով (երկու դրվագ) այն բանի համար, որ. «(...) նա 2016 թվականի հուլիսի 6-ից մինչև 2018 թվականի հուլիսի 30-ն ընկած ժամանակահատվածներում, հանդիսանալով պաշտոնապարտ անձ՝ «Վարդենիսի նյարդահոգեբանական տուն ինտերնատ» ՊՈԱԿ-ի տնօրեն, իր պաշտոնական դիրքն օգտագործելով ուրիշի գույքը յուրացման եղանակով հափշտակելու դիտավորությամբ, հիշյալ ՊՈԱԿ-ում բնակվող բնակիչներին հասանելիք 2.833.900 ՀՀ դրամ արժողության, 1260 կիլոգրամ փավարի ոսկրոտ միսը և 3569 լիտր կաթը, օրինական ճանապարհով օգտագործված ցույց տալու նպատակով, համաձայնության գալով պաշտոնապարտ անձ չհանդիսացող «Վարդենիսի նյարդահոգեբանական տուն ինտերնատ» ՊՈԱԿ-ի պահեստապեղ

Վահագն Սամսոնի Նալբանդյանի և ճաշարանի ավագ խոհարար Արմինե Գևորգի Շարոյանի հետ ակնհայտ կեղծ տեղեկություններ մրցնելով, իրենց ստորագրություններով հաստատել են պաշտոնական փաստաթուղթ հանդիսացող հաշվապահական փաստաթղթերից ելքի հաշիվ ապրանքագրերի ամենօրյա լրացվող փաստաթղթերը, իբրև 2017 թվականի հունվարի 1-ից մինչև 2018 թվականի հուլիսի 17-ը «Վարդենիսի նյարդահոգեբանական տուն ինտերնատ» ՊՈԱԿ-ում օգտագործվել է 1260 կիլոգրամ տավարի ոսկրոտ միս և 3569 լիտր կաթ, սակայն նշված քանակի և արժողության ապրանքը վաճառել է այլ անձի՝ այդ կերպ հափշտակելով խոշոր չափերի՝ 2.833.900 ՀՀ դրամ գումար:

Այսպես.

Արտակ Հարությունյանն իր պաշտոնական դիրքն օգտագործելով, ուրիշի գույքը խոշոր չափերով յուրացման եղանակով հափշտակելու դիտավորությամբ, 2017 թվականի հունվար ամսին, մեկ կիլոգրամ տավարի միսը 1500 ՀՀ դրամ գումարով վաճառելու հարցի շուրջ համաձայնության գալով Վարդենիս քաղաքի բնակիչ Սրեփան Զավենի Հակոբյանի հետ, 2017 թվականի հունվարից մինչև 2018 թվականի հուլիս ամիսը հանձնարարել է «Վարդենիսի նյարդահոգեբանական տուն ինտերնատ» ՊՈԱԿ-ի պահեստապետ Վահագն Սամսոնի Նալբանդյանին իրենց կազմակերպություն սրացված տավարի մսից յուրաքանչյուր ամիս 70 կիլոգրամ փոխանցել Սրեփան Հակոբյանին, ինչը կատարվել է ինչպես Վահագն Նալբանդյանի, այնպես էլ Արտակ Հարությունյանի կողմից: Ընդհանուր առմամբ Սրեփան Հակոբյանին 18 ամիսների ընթացքում վաճառվել է շուրջ 1260 կիլոգրամ տավարի ոսկրոտ միս: Արտակ Հարությունյանը կրկին գործելով մեկ միասնական դիտավորությամբ, մեկ լիտր կաթը 120 ՀՀ դրամով վաճառելու հարցի շուրջ համաձայնության գալով գործով չպարզված անձի հետ, 2018 թվականի հունիսի 1-ից մինչև 2018 թվականի հուլիսի 17-ն ընկած ժամանակահատվածում «Վարդենիսի նյարդահոգեբանական տուն ինտերնատ» ՊՈԱԿ-ի օժանդակ անսանաֆերմայից սրացված շուրջ 3569 լիտր կաթը մաս-մաս վաճառել է վերջինիս, այդ կերպ հափշտակել խոշոր չափերի՝ 2.833.900 ՀՀ դրամ գումար, որը փնտրվել է իր հայեցողությամբ:

(...) Բացի այդ, Արտակ Հարությունյանը, 2.833.900 ՀՀ դրամ արժողության, 1260 կիլոգրամ փավարի ոսկրոտ միսը և 3569 լիտր կաթը, օրինական ցույց փալու նպատակով, համաձայնության գալով պաշտոնապես անձ «Վարդենիսի նյարդահոգեբանական տուն ինտերնատ» ՊՈԱԿ-ի պահեստապետ Վահագն Սամսոնի Նալբանդյանի և ճաշարանի ավագ խոհարար Արմինե Գևորգի Շաքոյանի հետ ակնհայտ կեղծ տեղեկություններ մեղմելով, իրենց ստորագրություններով՝ հաստատել են պաշտոնական փաստաթուղթ հանդիսացող հաշվապահական փաստաթղթերից ելքի հաշիվ սպրանքագրերի ամենօրյա լրացվող փաստաթղթերը, իբրև 2017 թվականի հունվարի 1-ից մինչև 2018 թվականի հուլիսի 17-ը «Վարդենիսի նյարդահոգեբանական տուն ինտերնատ» ՊՈԱԿ-ում օգտագործվել է 1260 կիլոգրամ փավարի միս և 3569 լիտր կաթ:

(...) Բացի այդ, Արտակ Հարությունյանը, 2,833,900 ՀՀ դրամ արժողության, 1260 կիլոգրամ փավարի ոսկրոտ միսը և 3569 լիտր կաթը, օրինական ճանապարհով օգտագործված ցույց փալու նպատակով, համաձայնության գալով պաշտոնապես անձ չհանդիսացող «Վարդենիսի նյարդահոգեբանական տուն ինտերնատ» ՊՈԱԿ-ի պահեստապետ Վահագն Սամսոնի Նալբանդյանի և ճաշարանի ավագ խոհարար Արմինե Գևորգի Շաքոյանի հետ ակնհայտ կեղծ տեղեկություններ մեղմելով, իրենց ստորագրություններով հաստատել են պաշտոնական փաստաթուղթ հանդիսացող հաշվապահական փաստաթղթերից ելքի հաշիվ սպրանքագրերի ամենօրյա լրացվող փաստաթղթերը, իբրև 2017 թվականի հունվարի 1-ից մինչև 2018 թվականի հուլիսի 17-ը «Վարդենիսի նյարդահոգեբանական տուն ինտերնատ» ՊՈԱԿ-ում օգտագործվել է 1260 կիլոգրամ փավարի ոսկրոտ միս և 3569 լիտր կաթ:

(...) Բացի այդ, Արտակ Հարությունյանը, հանդիսանալով պաշտոնապես անձ, անձնական այլ դրդումներով, պարասիսանալու աշխատակիցների օժանդակությամբ, ակնհայտ կեղծ տեղեկություններ է մեղմել մի շարք պաշտոնական փաստաթղթերում, որի արդյունքում մի շարք աշխատակիցների կողմից աշխատանքի չհաճախելու պայմաններում սրանալով աշխատավարձ տնօրինել են, իսկ Արտակ Հարությունյանն այդ կերպ՝ վարկածն էղանակով, հափշտակել է առանձնապես խոշոր չափերով գումար, որը դրսևորվել է հետևյալ կերպ՝

Արդյակ Ռոբերտի Հարությունյանը, ուրիշի գույքն առանձնապես խոշոր չափերով, մեկ միասնական դիրավորությամբ վարնելու եղանակով համալրակելու դիրավորությամբ, 2014 թվականի օգոստոսի 5-ից մինչև 2015 թվականի ապրիլի 28-ը, այնուհետև 2016 թվականի հուլիսի 6-ից մինչև 2018 թվականի հուլիսի 30-ն ընկած ժամանակահատվածներում, հանդիսանալով «Վարդենիսի նյարդահոգեբանական տուն-ինստիտուտ» ՊՈԱԿ-ի տնօրեն, գիրակցելով, որ ՊՈԱԿ-ի սրամասքույժ Մեսրոպ Մերուժանի Հակոբյանը, գրադարանավարուհի Սյուզաննա Ռոբերտի Թադևոսյանը, ինչպես նաև ՊՈԱԿ-ի մյուս աշխատակիցներ՝ Նարինե Մարտիրոսի Հարթենյանը և Արմեն Գուրգենի Խաչատրյանն իրենց աշխատած ժամանակահատվածում, աշխատանքի պարշաճ չեն հաճախում, չեն կատարում իրենց վրա դրված պարտականությունները, վերջիններիս աշխատանքից ազատելու փոխարեն, անձնական այլ դրդումներով, պաշտոնական փաստաթուղթ հանդիսացող աշխատակիցների հաճախումների տեղեկագրերում՝ տարեկավարուհի Մարի Միշայի Հովհաննիսյանի օժանդակությամբ ակնհայտ կեղծ տեղեկություններ են մտցրել, իբրև նշված անձինք հաճախել են աշխատանքի, որի արդյունքում Մեսրոպ Մերուժանի Հակոբյանը 2014 թվականի օգոստոսի 5-ից մինչև 2015 թվականի ապրիլի 28-ը, այնուհետև 2016 թվականի հուլիսի 6-ից մինչև 2018 թվականի հուլիսի 30-ն ընկած ժամանակահատվածներում անօրինական չի հաճախել աշխատանքի և նրան է փոխանցվել՝ 3.211.408 ՀՀ դրամ աշխատավարձ, Սյուզաննա Ռոբերտի Թադևոսյանը՝ 2017 թվականի մարտի 16-ից մինչև 2018 թվականի օգոստոսի 24-ն ընկած ժամանակահատվածներում, ևս անօրինական չի հաճախել աշխատանքի նրան է փոխանցվել՝ 534.379 ՀՀ դրամ աշխատավարձ, Նարինե Մարտիրոսի Հարթենյանը 2017 թվականի հունիսի 7-ից մինչև 14-ն ընկած ժամանակահատվածում անօրինական չի հաճախել աշխատանքի և նրան է փոխանցվել՝ 21.512 ՀՀ դրամ աշխատավարձ և Արմեն Գուրգենի Խաչատրյանը 2016 թվականի դեկտեմբերի 29-ին և դեկտեմբերի 30-ին անօրինական բացակայել է աշխատանքից և նրան է փոխանցվել՝ 9.396 ՀՀ դրամ աշխատավարձ, որոնք վերջիններս ստացել և տնօրինել են և Արդյակ Հարությունյանն այդ կեպ վարնելու

եղանակով պետական միջոցներից հափշտակել է առանձնապես խոշոր չափերի՝ 3.776.695 ՀՀ դրամ գումար (...):»¹:

Մ.Հակոբյանը որպես մեղադրյալ է ներգրավվել և նրան մեղադրանք է առաջադրվել ՀՀ նախկին քրեական օրենսգրքի 38-179-րդ հոդվածի 3-րդ մասի 1-ին կետով այն բանի համար, որ. «(...) նա 2014 թվականի օգոստոսի 5-ից մինչև 2015 թվականի սպրիլի 28-ը, այնուհետև 2016 թվականի հուլիսի 6-ից մինչև 2018 թվականի հուլիսի 30-ն ընկած ժամանակահատվածներում, հանդիսանալով «Վարդենիսի նյարդահոգեբանական փուն-ինստիտուտ» ՊՈԱԿ-ի արամնարուժ, աշխատանքի չհաճախելու պայմաններում՝ աշխատավարձ ստանալու եղանակով, օժանդակել է նույն ՊՈԱԿ-ի փնտրեն, պաշտոնապար անձ հանդիսացող Արտակ Հարությունյանին առանձնապես խոշոր չափերով ուրիշի գույքի վարման եղանակով հափշտակելուն:

Այսպես, Մեսրոպ Հակոբյանը 2014 թվականի օգոստոսի 5-ից մինչև 2015 թվականի սպրիլի 28-ը, այնուհետև 2016 թվականի հուլիսի 6-ից մինչև 2018 թվականի հուլիսի 30-ն ընկած ժամանակահատվածներում հանդիսանալով «Վարդենիսի նյարդահոգեբանական փուն-ինստիտուտ» ՊՈԱԿ-ի արամնարուժ, նախապես տեղյակ լինելով, որ կնքված պայմանագրերով պարտավոր է յուրաքանչյուր օր ներկայանալ աշխատանքի և մինչ աշխատանքային օրվա ավարտ չբացակայել աշխատավայրից, աշխատանքի ոչ պարզաձև հաճախելու պայմաններում «Վարդենիսի նյարդահոգեբանական փուն-ինստիտուտ» ՊՈԱԿ-ի փնտրեն, պաշտոնապար անձ հանդիսացող Արտակ Հարությունյանի կողմից առանձնապես խոշոր չափերով վարում կատարելուն օժանդակելու դիրավորությամբ աշխատանքի չի հաճախել, որպիսի պայմաններում Արտակ Հարությունյանը, օգտագործելով իր պաշտոնական դիրքը, պաշտոնական փաստաթուղթ հանդիսացող աշխատակիցների հաճախումների տեղեկագրերում տարելավարուհի Մարի Միշայի Հովհաննիսյանի օժանդակությամբ կեղծումներ կատարելով՝ տեղեկագրերում Մեսրոպ Հակոբյանի կողմից աշխատանքի իբրև պարզաձև ներկայանալու մասին կեղծ տեղեկություններ լրացնելով, վերջինս

¹ Տե՛ս քրեական գործ, հատոր 22-րդ, թերթեր 381-383:

ներկայացրել է, որպես աշխատանքի պատշաճ հաճախած և հիշյալ ժամանակահատվածում իրեն վստահված ՊՈԱԿ-ի միջոցներից հափշտակել է ՄՀակորյանին աշխատավարձի տեսքով փոխանցված առանձնապես խոշոր չափերով՝ ընդհանուր 3.211.408 ՀՀ դրամ գումարը, որն էլ վերջինս ստացել է ու փնտրել է»²:

7. Առաջին ատյանի դատարանի որոշմամբ արձանագրվել է հետևյալը.
«(...) 1/ ամբաստանյալ Արտակ Ռոբերտի Հարությունյանին՝

1.1/ առաջադրված 2003 թվականի ապրիլի 18-ին ընդունված ՀՀ քրեական օրենսգրքի 179-րդ հոդվածի 3-րդ մասի 1-ին կետով մեղադրանքը դասակարգվում է ծանր հանցագործությունների տեսակին, այն համապատասխանում է 2022 թվականի հուլիսի 1-ից գործող ՀՀ քրեական օրենսգրքի 256-րդ հոդվածի 2-րդ մասի 2-րդ և 3-րդ կետերին, որը դասակարգվում է միջին ծանրության հանցագործությունների տեսակին: Հիմք ընդունելով քրեական օրենքի հետադարձ ուժի վերաբերյալ օրենսդրական կարգավորումները, առ այն, որ արարքի պատիժը մեղմացնող օրենքը հետադարձ ուժ ունի, ուստի Արտակ Ռոբերտի Հարությունյանի նկատմամբ կիրառելի է 2022 թվականի հուլիսի 1-ից գործող ՀՀ քրեական օրենսգրքի 256-րդ հոդվածի 2-րդ մասի 2-րդ և 3-րդ կետերով սահմանված պատժով պայմանավորված օրենսդրական կարգավորումները.

1.2/ առաջադրված 2003 թվականի ապրիլի 18-ին ընդունված ՀՀ քրեական օրենսգրքի 179-րդ հոդվածի 2-րդ մասի 1-ին և 3-րդ կետերով մեղադրանքը դասակարգվում է միջին ծանրության հանցագործությունների տեսակին, այն համապատասխանում է 2022 թվականի հուլիսի 1-ից գործող ՀՀ քրեական օրենսգրքի 256-րդ հոդվածի 2-րդ մասի 2-րդ և 3-րդ կետերին, որը ևս դասակարգվում է միջին ծանրության հանցագործությունների տեսակին.

1.3/ առաջադրված 2003 թվականի ապրիլի 18-ին ընդունված ՀՀ քրեական օրենսգրքի 314-րդ հոդվածի 1-ին մասով մեղադրանքը դասակարգվում է միջին ծանրության հանցագործությունների տեսակին, այն համապատասխանում է 2022 թվականի հուլիսի 1-ից գործող ՀՀ քրեական օրենսգրքի 445-րդ հոդվածի 1-ին մասին,

² Տե՛ս քրեական գործ, հատոր 22-րդ, թերթեր 383-384:

որը դասակարգվում է ոչ մեծ ծանրության հանցագործությունների տեսակին: Հիմք ընդունելով քրեական օրենքի հետադարձ ուժի վերաբերյալ օրենսդրական կարգավորումները, առ այն, որ արարքի պատիժը մեղմացնող օրենքը հետադարձ ուժ ունի, ուստի Արտակ Ռոբերտի Հարությունյանի նկատմամբ կիրառելի է 2022 թվականի հուլիսի 1-ից գործող ՀՀ քրեական օրենսգրքի 445-րդ հոդվածի 1-ին մասով սահմանված պատժով պայմանավորված օրենսդրական կարգավորումները.

2/ ամբաստանյալ Մեսրոպ Մերուժանի Հակոբյանին առաջադրված 2003 թվականի ապրիլի 18-ին ընդունված ՀՀ քրեական օրենսգրքի 38-179-րդ հոդվածի 3-րդ մասի 1-ին կետով մեղադրանքը դասակարգվում է ծանր հանցագործությունների տեսակին, այն համապատասխանում է 2022 թվականի հուլիսի 1-ից գործող ՀՀ քրեական օրենսգրքի 46-256-րդ հոդվածի 2-րդ մասի 2-րդ և 3-րդ կետերին, որը դասակարգվում է միջին ծանրության հանցագործությունների տեսակին: Հիմք ընդունելով քրեական օրենքի հետադարձ ուժի վերաբերյալ օրենսդրական կարգավորումները, առ այն, որ արարքի պատիժը մեղմացնող օրենքը հետադարձ ուժ ունի, ուստի Մեսրոպ Մերուժանի Հակոբյանի նկատմամբ կիրառելի է 2022 թվականի հուլիսի 1-ից գործող ՀՀ քրեական օրենսգրքի 46-256-րդ հոդվածի 2-րդ մասի 2-րդ և 3-րդ կետերով սահմանված պատժով պայմանավորված օրենսդրական կարգավորումները.

և գրնում է, որ՝

1/ թիվ ՀԿԴ2/0010/01/23 քրեական գործով ամբաստանյալ Արտակ Հարությունյանի պաշտպան Վարդան Համբարձումյանի և ամբաստանյալ Մեսրոպ Հակոբյանի պաշտպան Լիլիթ Հայրապետյանի միջնորդությունները հիմնավոր են և այն պետք է բավարարել.

2/ թիվ ՀԿԴ2/0010/01/23 քրեական գործով ամբաստանյալ Արտակ Հարությունյանի նկատմամբ 2003 թվականի ապրիլի 18-ին ընդունված ՀՀ քրեական օրենսգրքի 179-րդ հոդվածի 2-րդ մասի 1-ին և 3-րդ կետերով և 2022 թվականի հուլիսի 1-ից գործող ՀՀ քրեական օրենսգրքի 256-րդ հոդվածի 2-րդ մասի 2-րդ և 3-րդ կետերով և 445-րդ հոդվածի 1-ին մասով /համապատասխանում է 2022 թվականի հուլիսի 1-ից գործող ՀՀ քրեական օրենսգրքի 256-րդ հոդվածի 2-րդ մասի 2-րդ և 3-րդ կետերին, իսկ 2022 թվականի հուլիսի 1-ից գործող ՀՀ քրեական օրենսգրքի 256-րդ հոդվածի 2-

րդ մասի 2-րդ և 3-րդ կետերը և 445-րդ հոդվածի 1-ին մասը համապատասխանում է 2003 թվականի ապրիլի 18-ին ընդունված ՀՀ քրեական օրենսգրքի 179-րդ հոդվածի 3-րդ մասի 1-ին կետին և 314-րդ հոդվածի 1-ին մասին/ հարուցված քրեական հետապնդումը պետք է դադարեցնել՝ քրեական պատասխանատվության ենթարկելու վաղեմության ժամկետն անցած լինելու հիմքով /1998 թվականի հուլիսի 1-ից գործող ՀՀ քրեական դատավարության օրենսգրքի 35-րդ հոդվածի 1-ին մասի 6-րդ կետի հիմքով/.

3/ թիվ ՀԿԴ2/0010/01/23 քրեական գործով ամբաստանյալ Մեսրոպ Հակոբյանի նկատմամբ 2022 թվականի հուլիսի 1-ից գործող ՀՀ քրեական օրենսգրքի 46-256-րդ հոդվածի 2-րդ մասի 2-րդ և 3-րդ կետերով /համապատասխանում է 2003 թվականի ապրիլի 18-ին ընդունված ՀՀ քրեական օրենսգրքի 38-179-րդ հոդվածի 3-րդ մասի 1-ին կետին/ հարուցված քրեական հետապնդումը պետք է դադարեցնել՝ քրեական պատասխանատվության ենթարկելու վաղեմության ժամկետն անցած լինելու հիմքով /1998 թվականի հուլիսի 1-ից գործող ՀՀ քրեական դատավարության օրենսգրքի 35-րդ հոդվածի 1-ին մասի 6-րդ կետի հիմքով/.

4/ թիվ ՀԿԴ2/0010/01/23 քրեական գործի վարույթը կարճել՝ վարույթը շարունակելու բոլոր հնարավորությունները սպառվելու հիմքով: (...)»³:

8. Վերաքննիչ դատարանը վիճարկվող որոշմամբ արձանագրել է. «(...) 2003 և 2021 թվականներին ընդունված ՀՀ քրեական օրենսգրքերի համապատասխանաբար 75-րդ և 83-րդ հոդվածների համեմատադրական վերլուծությունը վկայում է, որ 2021 թվականին ընդունված ՀՀ քրեական օրենսգիրքը քրեական պատասխանատվությունից ազատելու վաղեմության ժամկետների մասով փոխադրված անձի վիճակը վարթարացող օրենք է և կիրառելի չէ ամբաստանյալներ Ա. Հարությունյանի և Մ. Հակոբյանի նկատմամբ, քանի որ նախ՝ սահմանում է վաղեմության ավելի երկար ժամկետներ, բացի այդ, վաղեմության ժամկետը, ի տարբերություն 2003 թվականին ապրիլի 18-ին ընդունված ՀՀ քրեական օրենսգրքի, հաշվարկվում է մինչև անձի նկատմամբ քրեական հետապնդում հարուցելու մասին որոշում կայացնելը: Այսպես.

³ Տե՛ս քրեական գործ, հատոր 27-րդ, թերթեր 73-75:

Վերաքննիչ դատարանը նախ փաստում է, որ ներկայացված բողոքը վերաբերում է միայն ՀՀ քրեական օրենսգրքի 256-րդ հոդվածի 2-րդ մասի 2-րդ և 3-րդ կետերով հանրային քրեական հետապնդումը դադարեցնելուն, որի համապատասխանում պետք է փաստել, որ Արտակ Հարությունյանին, ի թիվս այլնի, վերագրվում են 2003 թվականի ապրիլի 18-ին ընդունված ՀՀ քրեական օրենսգրքի 179-րդ հոդվածի 2-րդ մասի 1-ին և 3-րդ կետերով և նույն օրենսգրքի 179-րդ հոդվածի 3-րդ մասի 1-ին կետով նախատեսված արարքների կատարում, որոնք կատարվել են 2003 թվականի ապրիլի 18-ին ընդունված ՀՀ քրեական օրենսգրքի գործողության ժամանակ և վերջինիս վերագրվող արարքները համապատասխանում են 2021 թվականի մայիսի 5-ին ընդունված ՀՀ քրեական օրենսգրքի 256-րդ հոդվածի 2-րդ մասի 2-րդ և 3-րդ կետերին, որով նախատեսված պարժարեսակ է նաև ազատազրկումը՝ առավելագույնը 5 տարի ժամկետով: Այսինքն, Արտակ Հարությունյանին վերագրվող նշյալ արարքները դասվում են միջին ծանրության հանցանքների շարքին:

Մեսրոպ Հակոբյանին վերագրվում է 2003 թվականի ապրիլի 18-ին ընդունված ՀՀ քրեական օրենսգրքի 38-179-րդ հոդվածի 3-րդ մասի 1-ին կետով նախատեսված արարք, որը կատարվել է 2003 թվականի ապրիլի 18-ին ընդունված ՀՀ քրեական օրենսգրքի գործողության ժամանակ և վերջինիս վերագրվող արարքը համապատասխանում է 2021 թվականի մայիսի 5-ին ընդունված ՀՀ քրեական օրենսգրքի 46-256-րդ հոդվածի 2-րդ մասի 2-րդ և 3-րդ կետերին, որով նախատեսված պարժարեսակ է նաև ազատազրկումը՝ առավելագույնը 5 տարի ժամկետով: Այսինքն, Մեսրոպ Հակոբյանին վերագրվող արարքը դասվում է միջին ծանրության հանցանքների շարքին:

Հաշվի առնելով վերոգրյալը՝ Վերաքննիչ դատարանն արձանագրում է, որ 2021 թվականի մայիսի 5-ին ընդունված ՀՀ քրեական օրենսգրքի 256-րդ հոդվածի 2-րդ մասը հանդես է գալիս որպես պարիժը մեղմացնող օրենք և ունի հետադարձ ուժ:

Արդյունքում՝ Վերաքննիչ դատարանը գտնում է, որ քննության առարկա դեպքի նկարմամբ կիրառելի է ՀՀ քրեական օրենսգրքի 9-րդ հոդվածի 6-րդ մասը՝ հետևյալ հիմնավորմամբ.

2021 թվականի մայիսի 5-ին ընդունված ՀՀ քրեական օրենսգրքի 256-րդ հոդվածի 2-րդ մասի 2-րդ և 3-րդ կետերով նախատեսված արարքները դասվում են միջին ծանրության հանցանքների շարքին, որոնց համար քրեական պարասխանաարվությունից ազատելու վաղեմության ժամկետը նույն օրենսգրքի 83-րդ հոդվածի 1-ին մասի 2-րդ կետի համաձայն 10 տարի է, ինչն ամբաստանյալների համար առավել խիստ և անբարենպաստ կարգավորում է, քան 2003 թվականի ապրիլի 18-ին ընդունված ՀՀ քրեական օրենսգրքի 179-րդ հոդվածի 3-րդ մասի 1-ին կետով և նույն հոդվածի 2-րդ մասի 1-ին և 3-րդ կետերով նախատեսված արարքների՝ 2021 թվականի մայիսի 5-ին ընդունված ՀՀ քրեական օրենսգրքի 256-րդ հոդվածի 2-րդ մասի 2-րդ և 3-րդ կետերով նախատեսված արարքներին համապարասխանեցման արդյունքում դրա ծանրությանը համարժեք՝ 2003 թվականի ապրիլի 18-ին ընդունված ՀՀ քրեական օրենսգրքի միջին ծանրության հանցանքների համար քրեական պարասխանաարվությունից ազատելու վաղեմության ժամկետների վերաբերյալ կարգավորումները, քանի որ տվյալ օրենսգրքի 75-րդ հոդվածի 1-ին մասի 2-րդ կետի համաձայն միջին ծանրության հանցանքների համար վաղեմության ժամկետը 5 տարի է:

Այսինքն, 2021 թվականի մայիսի 5-ին ընդունված ՀՀ քրեական օրենսգրքի 256-րդ հոդվածի 2-րդ մասը՝ պարիփը մեղմացնելու առումով հանդիսանում է պարասխանաարվությունը մասնակիորեն մեղմացնող, միաժամանակ այդ արարքների համար քրեական պարասխանաարվությունից ազատելու վաղեմության ժամկետի առումով՝ նույն օրենսգրքի 83-րդ հոդվածի 1-ին մասի 2-րդ կետի հետ փոխկապակցվածությամբ, պարասխանաարվությունը մասնակիորեն խստացնող օրենք, հերևաբար, 2021 թվականի մայիսի 5-ին ընդունված ՀՀ քրեական օրենսգրքի 9-րդ հոդվածի 6-րդ մասով ձևակերպված՝ «նույն հոդվածով նախատեսված չափանիշներին համապարասխան» (այսինքն, մեղմացնող մասով կիրառելով այդ հոդվածի 2-րդ մասով, իսկ խստացնող մասով այդ հոդվածի 1-ին մասով նախատեսված կարգավորումները) պայմանի կիրառմամբ 2021 թվականի մայիսի 5-ին ընդունված ՀՀ քրեական օրենսգրքի 256-րդ հոդվածի 2-րդ մասը հետադարձ ուժ ունի միայն այն մասով, որով մեղմացնում է պարասխանաարվությունը:

Ընդ որում, Վերաքննիչ դատարանը վերոնշյալ դատողություններին հանգելիս հաշվի է առնում նաև Վճռաբեկ դատարանի 2023 թվականի նոյեմբերի 10-ի՝ Միշա Մուրադյանի վերաբերյալ թիվ ԵԴ/1424/01/21 որոշման փաստաթղթերը, որոնցում առ այն, որ պատժի ինստիտուտը հանդիսանում է ավելի մեծ ինստիտուտ, այն է՝ քրեական պատասխանատվության, քաղաքացիական:

8. Այսպիսով, նկատի ունենալով այն հանգամանքը, որ ամբաստանյալներ Արտակ Հարությունյանին և Մեսրոպ Հակոբյանին վերագրված արարքները համապատասխանում են 2021 թվականին մայիսի 5-ին ընդունված ՀՀ քրեական օրենսգրքի 256-րդ հոդվածի 2-րդ մասի 2-րդ և 3-րդ կետերին, որոնք դասվում են միջին ծանրության հանցագործությունների շարքին և որոնց համար քրեական պատասխանատվությունից ազատելու վաղեմության ժամկետները 2003 թվականի ապրիլի 18-ին ընդունված ՀՀ քրեական օրենսգրքի 75-րդ հոդվածի համաձայն 5 տարի է՝ Վերաքննիչ դատարանը գտնում է, որ Դատարանը, Արտակ Հարությունյանին և Մեսրոպ Հակոբյանին վերագրված արարքների համար քրեական պատասխանատվությունից ազատելու վաղեմության ժամկետի հաշվարկման մասով առաջնորդվելով ենթադրյալ հանցավոր արարքները կատարելու պահին գործող՝ 2003 թվականին ընդունված ՀՀ քրեական օրենսգրքի դրույթներով, գործել է իրավաչափ: (...)»⁴:

Վճռաբեկ դատարանի հիմնավորումները և եզրահանգումը.

9. Սույն գործով Վճռաբեկ դատարանի առջև բարձրացված իրավական հարցը հետևյալն է. իրավաչափ են արդյոք ամբաստանյալներ Ա.Հարությունյանի և Մ.Հակոբյանի նկատմամբ հարուցված քրեական հետապնդումները դադարեցնելու և քրեական գործի վարույթը կարճելու վերաբերյալ ստորադաս դատարանների հետևությունները:

10. ՀՀ Սահմանադրության 72-րդ հոդվածի համաձայն՝ «Ոչ ոք չի կարող դատապարտվել այնպիսի գործողության կամ անգործության համար, որը կատարման պահին հանցագործություն չի հանդիսացել: Չի կարող նշանակվել

⁴ Տե՛ս քրեական գործ, հատոր 28-րդ, թերթեր 76-79:

ավելի ծանր պատիժ, քան այն, որը ենթակա էր կիրառման հանցանք կատարելու պահին: Արարքի պատժելիությունը վերացնող կամ պատիժը մեղմացնող օրենքն ունի հետադարձ ուժ»:

ՀՀ Սահմանադրության 73-րդ հոդվածի համաձայն՝ «1. Անձի իրավական վիճակը վարթարացնող օրենքները և այլ իրավական ակտերը հետադարձ ուժ չունեն:

2. Անձի իրավական վիճակը քարելավող օրենքները և այլ իրավական ակտերը հետադարձ ուժ ունեն, եթե դա նախատեսված է այդ ակտերով»:

ՀՀ նախկին քրեական օրենսգրքի 19-րդ հոդվածի համաձայն՝ «(...) 3. Միջին ծանրության հանցագործություններ են համարվում դիրավորությամբ կատարված այն արարքները, որոնց համար սույն օրենսգրքով նախատեսված առավելագույն պատիժը չի գերազանցում հինգ տարի ժամկետով ազատազրկումը, ինչպես նաև անզգուշությամբ կատարված այն արարքները, որոնց համար սույն օրենսգրքով նախատեսված առավելագույն պատիժը չի գերազանցում տասը տարի ժամկետով ազատազրկումը:

4. Ծանր հանցագործություններ են համարվում դիրավորությամբ կատարված այն արարքները, որոնց համար սույն օրենսգրքով նախատեսված առավելագույն պատիժը չի գերազանցում տասը տարի ժամկետով ազատազրկումը: (...)»:

ՀՀ նախկին քրեական օրենսգրքի 75-րդ հոդվածի համաձայն՝ «1. Անձն ազատվում է քրեական պարասխանարկությունից, եթե հանցանքն ավարտված համարելու օրվանից անցել են հերկյալ ժամկետները.

(...)

2) հինգ տարի՝ միջին ծանրության հանցանքն ավարտված համարելու օրվանից.

3) տասը տարի՝ ծանր հանցանքն ավարտված համարելու օրվանից. (...)»:

ՀՀ նախկին քրեական օրենսգրքի 175-րդ հոդվածի 4-րդ մասի համաձայն՝

«(...) Սույն գլխում և սույն օրենսգրքի 216-րդ հոդվածում խոշոր չափ է համարվում հանցագործության պահին սահմանված նվազագույն աշխատավարձի հինգհարյուրապատիկից երեքհազարապատիկը չգերազանցող գումարը (արժեքը):

Սույն գլխում և սույն օրենսգրքի 216-րդ հոդվածում առանձնապես խոշոր չափ է համարվում հանցագործության պահին սահմանված նվազագույն աշխատավարձի երեքհազարապարիկը գերազանցող գումարը (արժեքը) (...):

ՀՀ նախկին քրեական օրենսգրքի 179-րդ հոդվածի համաձայն՝ «1. Յուրացնելը կամ վարենելը՝ հանցավորին վարահված ուրիշի գույքի հափշտակությունը զգալի չափերով՝

պարժվում է (...) ազատազրկմամբ՝ առավելագույնը երկու տարի ժամկետով:

2. Նույն գործողությունը, որը կատարվել է՝

1) պաշտոնական դիրքն օգտագործելով,

2) մի խումբ անձանց կողմից նախնական համաձայնությամբ,

3) խոշոր չափերով

(...)

պարժվում է (...) ազատազրկմամբ՝ երկուսից հինգ տարի ժամկետով՝ որոշակի պաշտոններ զբաղեցնելու կամ որոշակի գործունեությամբ զբաղվելու իրավունքից զրկելով՝ առավելագույնը երեք տարի ժամկետով կամ առանց դրա:

3. Սույն հոդվածի առաջին կամ երկրորդ մասով նախատեսված գործողությունը, որը կատարվել է՝

1) առանձնապես խոշոր չափերով,

2) կազմակերպված խմբի կողմից՝

պարժվում է ազատազրկմամբ՝ հինգից ութ տարի ժամկետով՝ գույքի քննագրավմամբ կամ առանց դրա»:

ՀՀ գործող քրեական օրենսգրքի 3-րդ հոդվածի 1-ին մասի 17-րդ կետի համաձայն՝ «(...) [Ս]ույն օրենսգրքում հափշտակված գույքի, պարճառված գույքային վնասի, հանցավոր ճանապարհով ձեռք բերված կամ սրացված գույքի կամ օգուրի մանր չափ է համարվում 500.000 Հայաստանի Հանրապետության դրամը՝ չգերազանցող գումարը (արժեքը), խոշոր չափ է համարվում 5 միլիոն Հայաստանի Հանրապետության դրամը՝ չգերազանցող գումարը (արժեքը), առանձնապես խոշոր չափ է համարվում 5 միլիոն Հայաստանի Հանրապետության դրամը՝ գերազանցող գումարը (արժեքը), բացառությամբ սույն օրենսգրքի Հատուկ մասով նախատեսված դեպքերի»:

ՀՀ գործող քրեական օրենսգրքի 9-րդ հոդվածի համաձայն՝ «1. Արարքի հանցավորությունը սահմանող, պատիժը խստացնող կամ հանցանք կամ քրեական օրենսդրությամբ նախատեսված արարք կատարած անձի վիճակն այլ կերպ վարթարացնող օրենսդրությունը հետադարձ ուժ չունի:

2. Արարքի հանցավորությունը լրիվ կամ մասնակիորեն վերացնող կամ պատիժը մեղմացնող օրենսդրությունն ունի հետադարձ ուժ: Նշված դեպքում այն տարածվում է մինչև դրա ուժի մեջ մտնելը հանցանք կամ քրեական օրենսդրությամբ նախատեսված արարք կատարած այն անձանց վրա, որոնց վերաբերյալ դեռևս առկա չէ օրինական ուժի մեջ մտած եզրափակիչ դատավարական ակտ:

(...)

4. Հանցանք կամ քրեական օրենսդրությամբ նախատեսված արարք կատարած անձի վիճակն այլ կերպ բարելավող օրենսդրությունն ունի հետադարձ ուժ, եթե դա նախատեսված է օրենքով:

(...)

6. Պատրասխանարվությունը մասնակիորեն մեղմացնող և միաժամանակ մասնակիորեն խստացնող օրենքը սույն հոդվածով նախատեսված չափանիշներին համապատասխան հետադարձ ուժ ունի միայն այն մասով, որը մեղմացնում է պատրասխանարվությունը»:

ՀՀ գործող քրեական օրենսգրքի 17-րդ հոդվածի համաձայն՝ «(...) 3. Միջին ծանրության հանցանքներ են համարվում սույն օրենսգրքով նախատեսված այն արարքները, որոնց համար սույն օրենսգրքի Հարուկ մասով նախատեսված առավելագույն պատիժը չի գերազանցում 5 տարի ժամկետով ազատազրկումը:

4. Ծանր հանցանքներ են համարվում սույն օրենսգրքով նախատեսված այն արարքները, որոնց համար սույն օրենսգրքի Հարուկ մասով նախատեսված առավելագույն պատիժը չի գերազանցում 10 տարի ժամկետով ազատազրկումը: (...):»:

ՀՀ գործող քրեական օրենսգրքի 83-րդ հոդվածի 1-ին մասի համաձայն՝ «Անձն ազատվում է քրեական պատրասխանարվությունից, եթե հանցանքն ավարտվելուն հաջորդող օրվանից անցել են հետևյալ ժամկետները.

(...)

2) 10 տարի՝ միջին ծանրության հանցանքի դեպքում.

3) 15 տարի՝ ծանր հանցանքի դեպքում. (...)»:

ՀՀ գործող քրեական օրենսգրքի 256-րդ հոդվածի համաձայն՝

«(...) 2. Վատարկված գույքը հափշտակելը, որը կատարվել է՝

1) մի խումբ անձանց կողմից նախնական համաձայնությամբ,

2) իշխանական կամ ծառայողական լիազորությունները կամ դրանցով պայմանավորված ազդեցությունն օգտագործելով կամ

3) խոշոր չափերով

պատրվում է (...) ազատագրվեմանը՝ երկուսից հինգ տարի ժամկետով: (...)»:

10.1. ՀՀ Սահմանադրության 72-րդ և 73-րդ հոդվածներով ամրագրված երաշխիքները, որոնք նորմատիվ իրավական ակտի կիրառման սահմանադրական սկզբունք են, քրեաիրավական համակարգում առանցքային տեղ են գրավում, ինչը հատկապես ընդգծվում է այն հանգամանքով, որ փոփոխվող և զարգացող հասարակությունում կոնկրետ արարքի դեմ քրեաիրավական ներգործության նպատակահարմարությունը, դրա հանրային վտանգավորությունը կամ քրեականացված արարքը կատարած անձի իրավական վիճակը նորովի կարգավորվելու դեպքում դատարանը՝ որպես քրեական դատավարությունում արդարադատության գործառնությունը օժտված մարմին, պետք է քննարկման առարկա դարձնի օրենսդրական փոփոխության իրավական բնույթը, ըստ այդմ էլ՝ մինչ ընդունումը ծագած իրավահարաբերությունների վրա այն հետադարձությամբ տարածելու իրավական հնարավորությունը:

Հարկ է արձանագրել, որ ՀՀ Սահմանադրությամբ՝ ժամանակի մեջ իրավական ակտերի գործողության կանոնակարգումը հիմնվում է այն տրամաբանության վրա, որ իրավական ակտերի հետադարձ ուժով գործողության մերժումն ընդհանուր կանոն է, իսկ այդ ակտերի հետադարձ ուժով գործողության հնարավորությունը՝ բացառություն ընդհանուր կանոնից⁵:

Ընդ որում, բացառություններն իրենց հերթին տարբեր են. ա) երբ սահմանադիրը բացառում է որևէ հայեցողություն դրսևորելու հնարավորությունը՝

⁵ Տե՛ս, *mutatis mutandis*, ՀՀ Սահմանադրական դատարանի՝ 2011 թվականի նոյեմբերի 29-ի թիվ ՍԴՌ-1000 որոշումը:

սահմանելով հետադարձության ուղիղ պահանջ, օրինակ, արարքի պատժելիությունը վերացնող կամ պատիժը մեղմացնող օրենքն օժտված է անմիջական գործողությամբ և բ) երբ անձի իրավական վիճակը բարելավող իրավական ակտին հետադարձ ուժ հաղորդելու լիազորությունը թողնվում է իրավասու՝ այդ ակտն ընդունող մարմնի հայեցողությանը, օրինակ, անձի իրավական վիճակը բարելավող օրենքները և այլ իրավական ակտերը հետադարձ ուժ ունեն, եթե դա նախատեսված է այդ ակտերով⁶։ Տարբերակման այս գաղափարն իր արտացոլումն է գտել նաև ՀՀ գործող քրեական օրենսգրքում. այսպես՝ օրենսգրքի 8-րդ և 9-րդ հոդվածների համադրված ուսումնասիրությունը ցույց է տալիս, որ արարքի հանցավորությունը լրիվ կամ մասնակիորեն վերացնող կամ պատիժը մեղմացնող նորմի համար նախատեսվում է հետադարձ ազդեցության անմիջական պահանջ, մինչդեռ անձի վիճակն այլ կերպ բարելավող դրույթի հետադարձությունը պայմանավորվում է օրենքով նախատեսված լինելու հանգամանքով⁷։

11. Վճռաբեկ դատարանը, *Խաչատուր Պետրոսյանի և Հասմիկ Շանոյանի* վերաբերյալ գործով որոշմամբ անդրադառնալով քրեական օրենսդրության հետադարձությամբ կիրառման դեպքերին, արձանագրել է, որ քրեական պատասխանատվության ենթարկելու վաղեմության ժամկետի հաշվարկման տեսանկյունից քրեական նոր օրենքով անձին մեղսագրված հանցանքի տեսակի փոփոխությունն ինքնին չի կարող հետադարձ ներգործություն ունենալ, այսինքն, այս հարցի շրջանակներում օրենսդրական փոփոխությունների բարենպաստ լինելու ինքնուրույն ցուցիչ չէ, և տեղի ունեցած օրենսդրական փոփոխությունների բարենպաստ լինելու մասին կարելի է խոսել բացառապես քրեական պատասխանատվությունից ազատելու ինստիտուտը կանոնակարգող՝ ՀՀ նախկին և գործող քրեական օրենսգրքերի ընդհանուր նորմերի հետ համադրված գնահատելու պարագայում։ Մինևույն ժամանակ անդրադառնալով օրենսդրական փոփոխությունների արդյունքում հանցանքի տեսակի և վաղեմության ժամկետների

⁶ Տե՛ս, *mutatis mutandis*, ՀՀ Սահմանադրական դատարանի՝ 2021 թվականի մարտի 26-ի թիվ ՍԴՌ-1586 որոշումը։

⁷ Տե՛ս, *mutatis mutandis*, Վճռաբեկ դատարանի՝ *Վանիկ Առուստամյանի* գործով 2024 թվականի փետրվարի 22-ի թիվ ԼԴ/0004/12/22 որոշումը։

փոփոխության իրավիճակներին, մասնավորապես՝ այն դեպքին, երբ արարքի (հանցանքի) ծանրության աստիճանը նվազում է, իսկ այդ արարքի համար սահմանված քրեական պատասխանատվության ենթարկելու վաղեմության ժամկետը չի փոփոխվում, Վճռաբեկ դատարանն արձանագրել է, որ օրենսդրական փոփոխության արդյունքում պատժի մեղմացման հետևանքով նախկինում ծանր համարվող հանցանքը միջին ծանրության հանցանք հանդիսանալու դեպքում կիրառելի է մեղմացնող օրենքին հետադարձ ուժ տալու կանոնը՝ հանցանքի տեսակի և պատժի մասով, այսինքն՝ արարքը պետք է որակվի ՀՀ գործող քրեական օրենսգրքի համապատասխան հոդվածով: Վճռաբեկ դատարանն ընդգծել է, որ անթույլատրելի է օրենքի փոփոխության արդյունքում հետադարձության կանոնների կիրառմամբ ստացված միջին ծանրության հանցանքի համար քրեական պատասխանատվությունից ազատելու վաղեմության ժամկետը (տասը տարին) համեմատել ՀՀ նախկին քրեական օրենսգրքով նախատեսված միջին ծանրության հանցանքի համար քրեական պատասխանատվությունից ազատելու վաղեմության ժամկետի (հինգ տարի) հետ: Նման համեմատությունը սկզբունքորեն չի համապատասխանի ժամանակի ընթացքում քրեական օրենքի գործողության կանոնի էությանն ու նշանակությանը: Հակառակ մոտեցումը հանգեցնում է այնպիսի իրավիճակի, որ արարքի կատարման պահին ծանր հանցագործություն համարվող արարքի պարագայում անձի նկատմամբ կիրառվում է արարքի կատարման պահին միջին ծանրության հանցանքի համար նախատեսված կարգավորումը, որը որևէ պարագայում կիրառելի չէ⁸:

12. Նախորդ կետում մեջբերված՝ Վճռաբեկ դատարանի որոշմամբ արտահայտված իրավական դիրքորոշումների լույսի ներքո, հաշվի առնելով սույն վարույթի փաստական հանգամանքները, անհրաժեշտ է մասնավորապես դիտարկել վստահված գույքի 3.776.695 ՀՀ դրամի չափով հափշտակություն կատարելու և վստահված գույքի 3.211.408 ՀՀ դրամի չափով հափշտակություն կատարելուն օժանդակելու հանցավոր արարքները: Այսպես՝ նշված արարքները սույն դեպքում կատարման պահին նախատեսվել են ՀՀ նախկին քրեական օրենսգրքի,

⁸ Տե՛ս Վճռաբեկ դատարանի՝ *Խաչատուր Պետրոսյանի և Հասմիկ Շանոյանի* գործով 2024 թվականի մայիսի 31-ի թիվ ԵԱԲԴ/0196/01/17 որոշումը:

համապատասխանաբար՝ 179-րդ հոդվածի 3-րդ մասի 1-ին կետով և 38-179-րդ հոդվածի 3-րդ մասի 1-ին կետով, որոնք, համաձայն նույն օրենսգրքի 19-րդ հոդվածի, դասվել են ծանր հանցագործությունների շարքին, և դրանց համար քրեական պատասխանատվության ենթարկելու վաղեմության ժամկետ է հանդիսացել տասը տարին: ՀՀ գործող քրեական օրենսգրքի համաձայն՝ հափշտակության առանձնապես խոշոր չափ է սահմանված 5 (հինգ) միլիոն ՀՀ դրամը գերազանցող գումարը, որի արդյունքում վերը նշված արարքները համապատասխանում են ՀՀ գործող քրեական օրենսգրքի 256-րդ հոդվածի 2-րդ մասի և 46-256-րդ հոդվածի 2-րդ մասի դրույթներով նախատեսված հանցավոր արարքներին, որոնք դասվում են միջին ծանրության հանցագործությունների շարքին: Դրա հետ մեկտեղ, օրենսդիրը ՀՀ գործող քրեական օրենսգրքի ընդհանուր մասում՝ վաղեմության ժամկետն անցնելու հետևանքով քրեական պատասխանատվությունից ազատելու կարգը սահմանող 83-րդ հոդվածում, ամրագրել է, որ միջին ծանրության հանցանքի դեպքում անձն ազատվում է քրեական պատասխանատվությունից, եթե հանցանքն ավարտվելուն հաջորդող օրվանից անցել է տասը տարի:

Ուստի ստացվում է, որ վստահված գույքի 3.776.695 ՀՀ դրամի չափով հափշտակություն կատարելը և վստահված գույքի 3.211.408 ՀՀ դրամի չափով հափշտակություն կատարելուն օժանդակելը ՀՀ գործող քրեական օրենսգրքով թեև դասվում են միջին ծանրության հանցագործությունների շարքին, սակայն քրեական պատասխանատվության ենթարկելու վաղեմության ժամկետի տեսանկյունից երկու օրենսդրություններն էլ ցուցաբերում են նույն մոտեցումը, այն է՝ վերոհիշյալ հանցավոր արարքների կատարման մեջ մեղադրվող անձն ազատվում է քրեական պատասխանատվությունից, եթե մեղսագրվող արարքի կատարման պահից անցել է տասը տարի:

Վերոգրյալից հետևում է, որ տվյալ դեպքում գործող քրեական օրենսդրությամբ հանցանքի տեսակի փոփոխությունը քրեական պատասխանատվության ենթարկելու վաղեմության ժամկետների տեսանկյունից անձի համար որևէ բարենպաստ հետևանք չի առաջացնում, քանզի վաղեմության ժամկետի առումով քրեական օրենսդրության նախկին և ներկա կարգավորումները նույնական են: Այլ խոսքով՝ վստահված գույքի 3.776.695 ՀՀ դրամի չափով հափշտակություն կատարելը և

վստահված գույքի 3.211.408 ՀՀ դրամի չափով հափշտակություն կատարելուն օժանդակելը հանցանքները, հանցագործության առարկայի սահմանված չափերի փոփոխությամբ պայմանավորված, ՀՀ գործող քրեական օրենսգրքի դրույթներին համապատասխանեցնելու արդյունքում քրեական պատասխանատվության ենթարկելու վաղեմության ժամկետների առումով փոփոխությունների չի ենթարկվել: Ուստի քննարկվող դեպքում քրեական պատասխանատվության ենթարկելու վաղեմության ժամկետն անցած լինելու հիմքով քրեական պատասխանատվությունից ազատելու հարցը ենթակա է լուծման՝ տվյալ արարքի համար դրա կատարման պահին գործող քրեական օրենսդրությամբ նախատեսված քրեական պատասխանատվության ենթարկելու վաղեմության ժամկետի հաշվառմամբ:

13. Սույն վարույթի նյութերի ուսումնասիրությունից երևում է, որ.

- ամբաստանյալ Ա.Հարությունյանին մեղադրանք է առաջադրվել, ի թիվս այլնի, վստահված գույքի 3.776.695 ՀՀ դրամի չափով հափշտակություն կատարելու, իսկ Մ.Հակոբյանին՝ վստահված գույքի 3.211.408 ՀՀ դրամի չափով հափշտակություն կատարելուն օժանդակելու համար, որպիսի արարքները նախաքննության մարմնի կողմից որակվել են ՀՀ նախկին քրեական օրենսգրքի՝ համապատասխանաբար 179-րդ հոդվածի 3-րդ մասի 1-ին կետով և 38-179-րդ հոդվածի 3-րդ մասի 1-ին կետով⁹,

- Առաջին ատյանի դատարանն արձանագրել է, որ ամբաստանյալ Ա.Հարությունյանին ՀՀ նախկին քրեական օրենսգրքի 179-րդ հոդվածի 3-րդ մասի 1-ին կետով մեղսագրվող արարքը դասվում է ծանր հանցագործությունների շարքին և համապատասխանում է ՀՀ գործող քրեական օրենսգրքի 256-րդ հոդվածի 2-րդ մասի 2-րդ և 3-րդ կետերով նախատեսված հանցավոր արարքին, որը դասվում է միջին ծանրության հանցագործությունների շարքին: Հիմք ընդունելով քրեական օրենքի հետադարձ ուժի վերաբերյալ օրենսդրական կարգավորումները՝ Առաջին ատյանի դատարանը եկել է եզրահանգման, որ Ա.Հարությունյանի նկատմամբ կիրառելի է ՀՀ գործող քրեական օրենսգրքի 256-րդ հոդվածի 2-րդ մասի 2-րդ և 3-րդ կետերով սահմանված պատժով պայմանավորված օրենսդրական

⁹ Տե՛ս սույն որոշման 6-րդ կետը:

կարգավորումները և առաջնորդվելով արարքի կատարման պահին գործող ՀՀ նախկին քրեական օրենսգրքով միջին ծանրության հանցագործությունների համար նախատեսված վաղեմության ժամկետներով՝ Ա.Հարությունյանի նկատմամբ հարուցված հանրային քրեական հետապնդումը վաղեմության ժամկետն անցած լինելու հիմքով դադարեցրել է:

Միննույն ժամանակ, Առաջին ատյանի դատարանը, անդրադառնալով ամբաստանյալ Մ.Հակոբյանին ՀՀ նախկին քրեական օրենսգրքի 38-179-րդ հոդվածի 3-րդ մասի 1-ին կետով առաջադրված մեղադրանքին, արձանագրել է, որ այն դասվում է ծանր հանցագործությունների շարքին և համապատասխանում է ՀՀ գործող քրեական օրենսգրքի 46-256-րդ հոդվածի 2-րդ մասի 2-րդ և 3-րդ կետերին, որն իր հերթին դասվում է միջին ծանրության հանցագործությունների շարքին և առաջնորդվելով արարքի կատարման պահին միջին ծանրության հանցագործությունների համար սահմանված վաղեմության ժամկետներով՝ Մ.Հակոբյանի նկատմամբ հարուցված հանրային քրեական հետապնդումը ևս դադարեցրել է և քրեական գործի վարույթը կարճել¹⁰,

- Վերաքննիչ դատարանն արձանագրել է, որ 2003 և 2021 թվականներին ընդունված ՀՀ քրեական օրենսգրքերի՝ համապատասխանաբար 75-րդ և 83-րդ հոդվածների համեմատական վերլուծությունը վկայում է, որ ՀՀ գործող քրեական օրենսգրքը քրեական պատասխանատվությունից ազատելու վաղեմության ժամկետների մասով տվյալ դեպքում անձի վիճակը վատթարացող օրենք է և կիրառելի չէ ամբաստանյալներ Ա.Հարությունյանի և Մ.Հակոբյանի նկատմամբ, քանի որ սահմանում է քրեական պատասխանատվությունից ազատելու վաղեմության ավելի երկար ժամկետներ: Արդյունքում Վերաքննիչ դատարանը գտել է, որ վաղեմության ժամկետն անցնելու առումով ամբաստանյալների նկատմամբ կիրառելի են ՀՀ նախկին քրեական օրենսգրքի դրույթները, քանի որ դրանք առավել բարենպաստ են նրանց համար:

Արդյունքում՝ Վերաքննիչ դատարանը գտել է, որ ամբաստանյալներ Ա.Հարությունյանին և Մ.Հակոբյանին վերագրված արարքները

¹⁰ Տե՛ս սույն որոշման 7-րդ կետը:

համապատասխանում են ՀՀ գործող քրեական օրենսգրքի 256-րդ հոդվածի 2-րդ մասի 2-րդ և 3-րդ կետերին, որոնք դասվում են միջին ծանրության հանցագործությունների շարքին, և որոնց համար քրեական պատասխանատվությունից ազատելու վաղեմության ժամկետները, ՀՀ նախկին քրեական օրենսգրքի 75-րդ հոդվածի համաձայն, 5 տարի է, ուստի Առաջին ատյանի դատարանը, Ա.Հարությունյանին և Մ.Հակոբյանին վերագրված արարքների համար քրեական պատասխանատվությունից ազատելու վաղեմության ժամկետի հաշվարկման մասով առաջնորդվելով ենթադրյալ հանցավոր արարքները կատարելու պահին գործող՝ ՀՀ նախկին քրեական օրենսգրքի իրավադրույթներով, գործել է իրավաչափ¹¹:

14. Նախորդ կետում մեջբերված փաստական հանգամանքները գնահատելով սույն որոշման 10-12-րդ կետերում վկայակոչված իրավադրույթների և արտահայտված իրավական դիրքորոշումների լույսի ներքո՝ Վճռաբեկ դատարանն արձանագրում է, որ ամբաստանյալներ Ա.Հարությունյանին և Մ.Հակոբյանին վերագրվող, համապատասխանաբար՝ վստահված գույքի 3.776.695 ՀՀ դրամի չափով հափշտակություն կատարելը և վստահված գույքի 3.211.408 ՀՀ դրամի չափով հափշտակություն կատարելուն օժանդակելը կատարման պահին նախատեսված են եղել, համապատասխանաբար՝ ՀՀ նախկին քրեական օրենսգրքի 179-րդ հոդվածի 3-րդ մասի 1-ին կետով և 38-179-րդ հոդվածի 3-րդ մասի 1-ին կետով ու դասվել են ծանր հանցագործությունների շարքին: Մինչև սույն ժամանակ, հիշյալ արարքները թեև ՀՀ գործող քրեական օրենսգրքի դրույթների համաձայն՝ դասվում են միջին ծանրության հանցագործությունների շարքին, սակայն նույն օրենսգրքի՝ վաղեմության ժամկետն անցնելու հետևանքով քրեական պատասխանատվությունից ազատելուն վերաբերող իրավանորմների համակարգային վերլուծությունը վկայում է, որ կատարված օրենսդրական փոփոխություններն Ա.Հարությունյանի և Մ.Հակոբյանի համար վաղեմության ժամկետների հաշվարկման առումով բարենպաստ հետևանքներ չեն առաջացնում:

¹¹ Տե՛ս սույն որոշման 8-րդ կետը:

Մասնավորապես, Վճռաբեկ դատարանը փաստում է, որ ինչպես նախկին, այնպես էլ գործող քրեական օրենսդրությունները թույլ են տալիս ամբաստանյալներ Ա.Հարությունյանին և Մ.Հակոբյանին վաղեմության ժամկետն անցնելու հետևանքով ազատել վերը նշված արարքների համար քրեական պատասխանատվությունից, եթե դրանց ավարտվելու օրվանից անցել է տասը տարի:

Վերոգրյալի հիման վրա Վճռաբեկ դատարանը փաստում է, որ ստորադաս դատարանների մոտեցումը ոչ իրավաչափորեն հանգեցրել է նրան, որ ամբաստանյալներ Ա.Հարությունյանի և Մ.Հակոբյանի կողմից, համապատասխանաբար՝ վստահված գույքի 3.776.695 ՀՀ դրամի չափով հափշտակություն կատարելու և վստահված գույքի 3.211.408 ՀՀ դրամի չափով հափշտակություն կատարելուն օժանդակելու մեղադրանքների մասով ենթադրյալ արարքները կատարվելուց հետո դեռևս տասը տարին չլրացած վերջիններս ազատվել են քրեական պատասխանատվությունից, այն դեպքում, երբ և՛ վերագրվող ենթադրյալ արարքների կատարման ժամանակ, և՛ ներկայումս գործող քրեական օրենքի համաձայն՝ Ա.Հարությունյանին և Մ.Հակոբյանին վերագրվող վերոնշյալ արարքների համար քրեական պատասխանատվության ենթարկելու վաղեմության ժամկետը եղել է տասը տարի:

15. Ամփոփելով վերը շարադրվածը Վճռաբեկ դատարանն արձանագրում է, որ ամբաստանյալ Ա.Հարությունյանի նկատմամբ վստահված գույքի 3.776.695 ՀՀ դրամի չափով հափշտակության դրվագով և Մ.Հակոբյանի նկատմամբ վստահված գույքի 3.211.408 ՀՀ դրամի չափով հափշտակություն կատարելուն օժանդակելու մեղադրանքներով քրեական հետապնդումները դադարեցնելու և քրեական վարույթը կարճելու մասով՝ ստորադաս դատարանները թույլ են տվել վարույթի ելքի վրա ազդեցություն ունեցող դատական սխալ՝ նյութական օրենքի ոչ ճիշտ կիրառում, ինչը, ՀՀ քրեական դատավարության օրենսգրքի 387-րդ հոդվածի 1-ին մասի 2-րդ կետի համաձայն, հիմք է Ա.Հարությունյանի և Մ.Հակոբյանի նկատմամբ վերը նշված մեղադրանքներով քրեական հետապնդումը դադարեցնելու և քրեական վարույթը կարճելու մասով ստորադաս դատարանների դատական ակտերը բեկանելու և վարույթը՝ բեկանված մասով, Առաջին ատյանի դատարան նոր քննության փոխանցելու համար:

Միննույն ժամանակ, Վճռաբեկ դատարանը գտնում է, որ նոր քննության ընթացքում Առաջին ատյանի դատարանը, հաշվի առնելով սույն որոշմամբ արտահայտված իրավական դիրքորոշումները, պետք է ամբաստանյալներ Ա.Հարությունյանին և Մ.Հակոբյանին առաջադրված վերոնշյալ մեղադրանքների մասով ըստ էության քննության առնի սույն քրեական գործը և արդյունքում հանգի համապատասխան հետևության:

16. Միաժամանակ, հաշվի առնելով այն հանգամանքը, որ Առաջին ատյանի դատարանը 2023 թվականի դեկտեմբերի 21-ին կայացրել է եզրափակիչ դատական ակտ, որով ամբաստանյալներ Ա.Հարությունյանի և Մ.Հակոբյանի նկատմամբ կիրառված խափանման միջոցները վերացվել են՝ Վճռաբեկ դատարանն արձանագրում է, որ ամբաստանյալների նկատմամբ անհրաժեշտ է կիրառել բացակայելու արգելք խափանման միջոցը, որով քրեական գործի քննության սույն փուլում կապահովվի վերջիններիս իրավաչափ վարքագիծը:

Ելնելով վերոգրյալից և ղեկավարվելով Հայաստանի Հանրապետության Սահմանադրության 162-րդ, 163-րդ և 171-րդ հոդվածներով, Հայաստանի Հանրապետության քրեական դատավարության օրենսգրքի 31-րդ, 33-րդ, 34-րդ, 264-րդ, 281-րդ, 352-րդ, 359-րդ, 361-363-րդ ու 386-387-րդ հոդվածներով՝ Վճռաբեկ դատարանը

Ո Ր Ո Շ Ե Ց

1. ՀՀ հակակոռուպցիոն դատարանի 2023 թվականի դեկտեմբերի 21-ի որոշումը և այն անփոփոխ թողնելու մասին ՀՀ վերաքննիչ հակակոռուպցիոն դատարանի 2024 թվականի ապրիլի 16-ի որոշումը մասնակի՝ ամբաստանյալ Արտակ Ռոբերտի Հարությունյանի նկատմամբ վստահված գույքի 3.776.695 ՀՀ դրամի չափով հափշտակության դրվագով և Մեսրոպ Մերուժանի Հակոբյանի նկատմամբ վստահված գույքի 3.211.408 ՀՀ դրամի չափով հափշտակություն կատարելուն օժանդակելու մեղադրանքներով քրեական հետապնդումները դադարեցնելու և քրեական վարույթը կարճելու մասով, բեկանել և այդ մասով վարույթը փոխանցել ՀՀ հակակոռուպցիոն դատարան՝ նոր քննության:

2. Ամբաստանյալներ Արտակ Ռոբերտի Հարությունյանի և Մեսրոպ Մերուժանի Հակոբյանի նկատմամբ որպես խափանման միջոց կիրառել բացակայելու արգելքը:

3. Ստորադաս դատարանների դատական ակտերը մնացած մասով թողնել անփոփոխ:

4. Որոշումն օրինական ուժի մեջ է մտնում կայացնելու օրը:

Նախագահող՝

Դ.ՎԵՔԻԼՅԱՆ

Դատավորներ՝

Ե.ԴԱՆԻԵԼՅԱՆ

Ա.ԿՐԿՍԱՇԱՐՅԱՆ

Ռ.ՄԽԻԹԱՐՅԱՆ

Ս.ԶԻՉՈՅԱՆ